

სსიპ დაცული ტერიტორიების სააგენტო



გამარტივებული ელექტრონული ტენდერის

დოკუმენტაცია

იმერეთის მღვიმეების დაცული ტერიტორიების ადმინისტრაციისათვის (პრომეთეს ბუნების
ძეგლის ადმინისტრაციის ოფისი) ინტერნეტ მომსახურების

(CPV72400000 - ინტერნეტმომსახურებები)

სახელმწიფო შესყიდვის შესახებ



ქ. თბილისი
2016 წელი

სარჩევი

1. ინსტრუქცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვის შესახებ ხელშეკრულების პროექტი
4. დანართი N1 სატენდერო წინადადების ფასი, ფასების ცხრილი
5. დანართი №2 რეკვიზიტები

1. ინსტრუქცია ტენდერში მონაწილეობის

- 1.1 იხ., სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო” და „სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს ოფიციალურ ვებგვერდზე www.procurement.gov.ge
- 1.2 საკონტაქტო ტელეფონის ნომრები დავით კოპალიანი 577 33 30 30. გიგა მენაბდიშვილი 577 92 57 57.
- 1.3 სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურა:
„გამარტივებული ელექტრონული ტენდერისა და ელექტრონული ტენდერის ჩატარების წესის” მე-2 მუხლის პირველი პუნქტის „კ“ ქვეპუნქტით გათვალისწინებული „კ“ ქვეპუნქტის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებაამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის - „კითხვა/პასუხის“ მეშვეობით მოითხოვოს სატენდერო განცხადებისა და სატენდერო დოკუმენტაციის დაზუსტება.

2. ტექნიკური დავალება

2.1 შესყიდვის ობიექტია სსიპ „დაცული ტერიტორიების სააგენტო“-ს იმერეთის მღვიმეების დაცული ტერიტორიების ადმინისტრაციისათვის (პრომეთეს ბუნების ძეგლის ადმინისტრაციის ოფისი) ინტერნეტ მომსახურების შესყიდვა.

2.1.1 შესყიდვის ობიექტის ტექნიკური დავალება განსაზღვრება სატენდერო დოკუმენტაციის დანართი #1-ით.

2.2 მომსახურების გაწევის ვადები და პირობები:

2.2.1 მომსახურების გაწევის ვადა და ადგილი განისაზღვრება სატენდერო დოკუმენტაციის დანართი #1-ით.

2.3. დამატებითი მოთხოვნები

2.3.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

2.3.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

2.3.3 სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯის გათვალისწინებით, როგორიცაა: საქართველოს კანონმდებლობით დადგენილი გადასახადები, თუ მოსაკრებლები (დღგ-ს გარეშე).

2.3.4 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.4 ანგარიშსწორების პირობები:

2.4.1 სატენდერო წინადადებაში საერთო ფასი გამოსახული უნდა იყოს მომსახურების გაწევასთან დაკავშირებული საქართველოს კანონმდებლობით გათვალისწინებული ყველა გადასახადის გათვალისწინებით. (დღგ-ს გარეშე)

2.4.2 ანგარიშსწორება მოხდება, უნაღდო ანგარიშსწორებით ლარებში.

2.4.3 ანგარიშსწორება მიმწოდებელთან განხორციელდება, ყოველთვიურად, ხელშეკრულების შესაბამისად გაფორმებული მიღება-ჩაბარების აქტის და საგადასახადო ანგარიშ-ფაქტურის საფუძველზე, (იმ შემთხვევაში, თუ მიმწოდებელი დარეგისტრირებულია დღგ-ს გადამხდელად) მათი წარმოდგენიდან არაუგვიანეს 10 (ათი) სამუშაო დღის განმავლობაში.

2.4.4 წინასწარი ანგარიშსწორება (ავანსი) არ გამოიყენება

2.5. პრეტენდენტის მიერ სისტემაში ასატვირთი დოკუმენტებია:

ა) პრეტენდენტმა უნდა წარმოადგინოს სატენდერო წინადადების ფასი, ფასების ცხრილი, დანართი №1-ის მიხედვით;

ბ) რეკვიზიტები დანართი №2-ის მიხედვით;

გ) ინფორმაცია პრეტენდენტის დღგ-ს გადამხდელად რეგისტრაციის შესახებ.

დ) სატენდერო წინადადების ხელისმომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).

2.6. დაფინანსების წყარო: სააგენტოს 2017 წლის საკუთარი შემოსავლები.

2.7 შესყიდვის სავარაუდო ღირებულება შეადგენს 540 ლარს დღგ-ს გარეშე.

2.8 პრეტენდენტმა სატენდერო წინადადების ფასში არ უნდა გაითვალისწინოს დღგ, მიუხედავად იმისა, არის თუ არა იგი დღგ-ის გადამხდელი საქართველოს კანონმდებლობის შესაბამისად. შემსყიდველი ორგანიზაცია ვალდებულია ხელშეკრულების ღირებულებაში გაითვალისწინოს სატენდერო წინადადების ფასის შესაბამისი დღგ-ის ოდენობა, თუ ხელშეკრულების დადების მომენტისთვის პრეტენდენტი არის დღგ-ის გადამხდელი საქართველოს კანონმდებლობის მოთხოვნათა შესაბამისად, რისთვისაც პრეტენდენტმა უნდა წარმოადგინოს შესაბამისი დამადასტურებელი დოკუმენტი.

2.9. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია შემსყიდველის მოთხოვნის შესაბამისად უზრუნველყოს ფასწარმოქმნის ადეკვატურობის დასაბუთება (დასაბუთება შესაძლებელია განხორციელდეს სსიპ ლევან სამხარაულის სახელობის სასამართლოს ექსპერტიზის ეროვნული ბიუროს ან დამოუკიდებელი ექსპერტის მიერ გაცემული დასკვნით ან შესყიდვის ობიექტის ანალოგიური მახასიათებლების მქონე მომსახურების მიწოდებასთან დაკავშირებით პრეტენდენტის მიერ გაფორმებული ხელშეკრულებით და ამავე ხელშეკრულების შესაბამისი მიღება-ჩაბარების აქტებით რომელიც ადასტურებს პრეტენდენტის მიერ დაფიქსირებულ ფასად სატენდერო წინადადებით ნაკისრი ვალდებულებების შესრულების შესაძლებლობას). იმ შემთხვევაში, თუ პრეტენდენტის მიერ არ იქნა წარმოდგენილი, ან წარმოდგენილი დასაბუთება შემსყიდველის მიერ არ ჩაითვლება დამაკმაყოფილებლად, მოხდება პრეტენდენტის დისკვალიფიკაცია; პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

შესყიდვის მონაწილე ვალდებულია, შემსყიდველ ორგანიზაციას, მისი მოთხოვნის შემთხვევაში, წარუდგინოს შესყიდვასთან დაკავშირებული შესაბამისი დოკუმენტი ან/და ინფორმაცია.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულების დამდები მხარეები

ერთის მხრივ სსიპ „დაცული ტერიტორიების სააგენტო“ წარმოდგენილი მისი თავმჯდომარის მოადგილის ვახტანგ ტუკვაძის სახით (შემდგომში „შემსყიდველი“), იურიდიული მისამართი ქ. თბილისი, გულუას ქ. №6

(ორგანიზაციის დასახელება და იურიდიული მისამართი)

და მეორეს მხრივ _____ მისი _____ სახით, იურიდიული მისამართი _____ (შემდგომში მიმწოდებელი)

(ორგანიზაციის დასახელება და იურიდიული მისამართი)

1. ხელშეკრულების ღირებულება

შემსყიდველმა გამოაცხადა იმერეთის მღვიმეების დაცული ტერიტორიების ადმინისტრაციისათვის (პრომეთეს ბუნების ძეგლის ადმინისტრაციის ოფისი) ინტერნეტ მომსახურების (CPV72400000 - ინტერნეტმომსახურებები) შესყიდვაზე გამარტივებული ელექტრონული ტენდერი (განცხადების № SPA) და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული მომსახურება _____ ლარად (შემდგომში ხელშეკრულების ღირებულება)

2. ხელშეკრულების შესრულების კონტროლი

2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1. მომსახურების გაწევის ვადების ხელშეკრულების მოთხოვნებთან შესაბამისობის დადგენა;

2.2.2. გაწეული მომსახურების მოთხოვნებთან - ხელშეკრულების დანართი №1-თან (ტექნიკური დავალება) შესაბამისობის დადგენა, მის საფუძველზე მიღება-ჩაბარების აქტის გაფორმება და ანგარიშსწორების პროცესის რეგულირება.

2.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

2.4. ხელშეკრულების შესრულების კონტროლს ახორციელებენ „შემსყიდველის“ სათანადოდ უფლებამოსილი პირები.

3. შესყიდვის ობიექტის მახასიათებლები

3.1. შესყიდვის ობიექტის დასახელება, ტექნიკური დავალება და ღირებულება განისაზღვრება ხელშეკრულების დანართი №1-ის მიხედვით.

4. მომსახურების გაწევის ვადები და პირობები

4.1. მომსახურების გაწევის ვადა და ადგილი განისაზღვრება სატენდერო დოკუმენტაციის დანართი #1-ით.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება ხორციელდება ყოველთვიურად მიღება-ჩაბარების აქტის საფუძველზე მიმწოდებლის მიერ ფაქტიურად გაწეული მომსახურების შესაბამისად.

5.2. იმ შემთხვევაში თუ, მიწოდებული მომსახურება შეესაბამება ხელშეკრულებით გათვალისწინებულ მოთხოვნებს, ხელშეკრულების 2.4. პუნქტით განსაზღვრული პირი, გაწეული მომსახურების შესახებ მიმწოდებელთან ადგენს მიღება-ჩაბარების აქტს და ახორციელებს გაწეული მომსახურების მიღებას, ხოლო თუ მომსახურების გაწევის პროცესში გამოვლინდება, რომ მომსახურება არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს მომსახურება და მოსთხოვოს მიმწოდებელს მიმწოდებლის ხარჯით გამოასწოროს წუნდებული მომსახურების ხარისხი.

6. ანგარიშსწორება

6.1 ანგარიშსწორება მოხდება, უნაღდო ანგარიშწორებით ლარებში.

6.2 ანგარიშსწორება მიმწოდებელთან განხორციელდება, ყოველთვიურად, ხელშეკრულების შესაბამისად გაფორმებული მიღება-ჩაბარების აქტის და საგადასახდო ანგარიშ-ფაქტურის საფუძველზე, (იმ შემთხვევაში, თუ მიმწოდებელი დარეგისტრირებულია დღგ-ს გადამხდელად) მათი წარმოდგენიდან არაუგვიანეს 10 (ათი) სამუშაო დღის განმავლობაში.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. მიაწოდოს „შემსყიდველს“ მომსახურება ხელშეკრულებით გათვალისწინებული მოთხოვნების განუხრელი დაცვით.

7.1.2. უზრუნველყოს გამოვლენილი დეფექტებისა და ნაკლოვანების აღმოფხვრა საკუთარი ხარჯით, გონივრულ ვადაში.

7.1.6. დროულად განიხილოს „შემსყიდველის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

7.2.1. სახელმწიფო ბიუჯეტით გათვალისწინებული თანხების უწყვეტი დაფარვის პირობებში უზრუნველყოს „მიმწოდებლის“ დროული და სრული დაფინანსება ხელშეკრულებით გათვალისწინებულ ვადებში.

7.2.2. დროულად განიხილოს „მიმწოდებლის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლება

8.1. „მიმწოდებელს“ უფლება აქვს, ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს აწარმოოს გაწეული მომსახურების ხელშეკრულების მოთხოვნებთან შესაბამისობის კონტროლი

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური

მოვლენებით, ეპიდემიით, კარანტინით და საჭირო საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოავარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით

მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება,

აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. იმ შემთხვევაში, თუ დადგინდა, რომ თითოეულ მისამართზე 1 (ერთი) თვის განმავლობაში, მიმწოდებლის მიზეზით შეწყდა ინტერნეტ კავშირი ჯამში 8 (რვა) საათზე მეტი ხანგრძლივობით, შემსყიდველს უფლება აქვს მოსთხოვოს, ხოლო მიმწოდებელი ვალდებულია გადაიხადოს პირგასამტეხლო შესყიდვის ობიექტის ყოველთვიური ღირებულების 2%-ის ოდენობით ყოველ მომდევნო ვადაგადაცილებულ ერთ საათზე.

13.2. იმ შემთხვევაში თუ მიმწოდებელი დაარღვევს ხელშეკრულებით გათვალისწინებულ მომსახურების გაწევის დაწყების ვადას, მას დაეკისრება პირგასამტეხლო ხელშეკრულების ღირებულების 0.02 %-ის ოდენობით ყოველ ვადაგადაცილებულ დღეზე.

13.3. თუ მიმწოდებლისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულების მოქმედება

13.4 ხელშეკრულების პირობების შეუსრულებლობისათვის მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით;

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. მიმწოდებლის მიერ 10 (ათი) სამუშაო დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის ხელმოწერისთანავე და მოქმედებს 2018 წლის 31 იანვრის ჩათვლით

16. განსაკუთრებული პირობები

16.1. ხელშეკრულება შედგენილია _____ გვერდზე, 2 ეგზემპლარად და თითოეულ მათგანს თანაბარი იურიდიული ძალა აქვს;

16.2. ხელშეკრულების ერთი ეგზემპლარი ინახება „მიმწოდებელთან“, ერთი - „შემსყიდველთან“

„შემსყიდველი“

სსიპ „დაცული ტერიტორიების სააგენტო“

ქ. თბილისი გულუას. №6

ს/კ 204911227

„მიმწოდებელი“

ვახტანგ ტუკვაძე

თავმჯდომარის მოადგილე

სატენდერო წინადადების ფასი, ფასების ცხრილი,

შეცვლის თარიღი „___“ _____ 2016წ

„_____“
(პრეტენდენტის დასახელება)

სატენდერო წინადადების ფასი _____
(თანხა ციფრობრივად) (თანხა სიტყვიერად)

#	მომსახურების დასახელება	სსიპ „დაცული ტერიტორიების სააგენტო“-ს ტერიტორიული ადმინისტრაციის დასახელება	მინიმალური მოთხოვნები	1 (ერთი) თვის მომსახურების ღირებულება	გასაწევი მომსახურების საერთო ღირებულება 12 თვის განმავლობაში	მომსახურების გაწევის ვადა	მომსახურების გაწევის ადგილი
1	2	3	4	5*	6*	7	8
1	ინტერნეტ მომსახურება	იმერეთის მღვიმეების დაცული ტერიტორიები (პრომეთეს ბუნების ძეგლი)	საქართველოს ფარგლებს გარეთ ატვირთვის და ჩამოტვირთვის სიჩქარე არანაკლებ 6/6 Mbps გარანტირებული, საქართველოს პროვადიდერებთან ატვირთვის და ჩამოტვირთვის სიჩქარე არანაკლებ 6/6 Mbps გარანტირებული, დაყოვნება უცხოურ საიტებთან არაუმეტეს 300ms, პორტებზე არ უნდა ვრცელდებოდეს არანაირი შეზღუდვა.			მომსახურების გაწევა უნდა დაიწყოს 2017 წლის 1 იანვრიდან და გაგრძელდეს 2017 წლის 31 დეკემბრის ჩათვლით, უწყვეტ რეჟიმში 24 საათის განმავლობაში.	წყალტუბოს მუნიციპალიტეტი ს. ყუმისთავი (პრომეთეს ბუნების ძეგლი)

აუცილებელი მოთხოვნები:

- ინტერნეტ მომსახურების შეფერხების ჯამური ხანგრძლივობა უნდა იყოს არაუმეტეს 24 საათი თვეში.
- სატენდერო დოკუმენტაციის 2.1 პუნქტით გათვალისწინებული ინტერნეტის მოწოდება უნდა მოხდეს უკაბელო ან ოპტიკურ-ბოჭკოვანი ტექნოლოგიის გამოყენებით.
- ინტერნეტი უნდა მოდიოდეს დანართი #1-ში მითითებულ თითოეულ მისამართზე არსებულ შენობამდე და ერთდებოდეს არსებულ ქსელის გამანაწილებელზე
- საჭიროების შემთხვევაში მომსახურების მიწოდებისთვის მიმწოდებელს უფლება აქვს შემსყიდველთან შეთანხმებით შემსყიდველის ტერიტორიაზე დროებით განათავსოს საკუთარი მოწყობილობები

შენიშვნა: (*) სატენდერო წინადადების ფასი წარმოდგენილი უნდა იყოს ყველა ხარჯის გათვალისწინებით დღგ-ს გარეშე.

გამარჯვებულ პირს დამატებით მოეთხოვება მის მიერ დაფიქსირებული საბოლოო ფასის (ასეთის არსებობის შემთხვევაში) შესაბამისი სატენდერო წინადადებისა და ფასების ცხრილის განფასება კანონმდებლობის შესაბამისად.

_____ (ხელმოწერა)

_____ (ბეჭდის ადგილი)(ბეჭდის არსებობის შემთხვევაში)

რეკვიზიტები:

პრეტენდენტის სამართლებრივი ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

ბანკის დასახელება:

ბანკის კოდი:

ანგარიშსწორების ანგარიში:

(ხელმოწერა)

(ბეჭდის ადგილი)(ბეჭდის არსებობის შემთხვევაში)